

四庫全書珍本初集

(民) 國立中央圖書館籌備處輯

上海商務印書館

澗

泉

集

八

詳校官庶吉士臣吳烜

主事臣呂雲棟覆勘


欽定四庫全書

湖泉集卷中

言律詩  
趙大  
出行

所作次韻報之

宋



此道我聞之  
直叙實有相  
人清物則可  
許天

共堪此道吾  
濟非自苦  
容變餬口  
猶圖齒頰甘

次韻宋仁

湖泉集

見說空堂舍蓋公秋深得雨慶時豐喚回舊觀十年外  
聚集清流一座中臺映玉峯歸獨鶴城依水水下孤鴻  
只消滿把籬邊菊賓主風流意已通

海內交游不數公又吟名勝句何豐錦囊忽到溪山下  
綉段爭看澗谷中落拓自驚隨野馬淒涼何止聽賓鴻  
高齋容我陪珠履不信窮途有路通

次韻元要陪倉使張園

春閒有客伴遨頭應喜園亭處處幽晴日暖風花影外

清歌妙舞酒船浮  
牢籠好景開詩膽  
愛惜流光入醉眸  
珍重蘇門兩君子  
至今人物尚同遊

次韻昌甫所寄

別後連綿好句來  
朗哦深視百千迴  
窮通身外庸何恨  
生死人間信可哀  
公既愛閒常隱几  
我方瘡楚未持杯  
澗梅點點從教白  
春到章泉花自催

飛舞醞鷄只甕天  
何知老壯與窮堅  
于今之世宜咸若  
從古之賢定復然  
荷盡菊殘非一日  
草深地僻幾多年

吟窓明暗霜須雪苟亦無言豈舍旃

催景陰陽長短宵天回星紀又玄枵霜寒草野真無惡  
雨濕禾場正不聊薄晚固宜山色遠經冬猶未水痕銷  
私家一飽官何恤寂寂閒中歲月飄

次韻昌甫

香來桂樹叢生處招隱其如懷玉東白髮滿頭唯我獨  
清詩脫手幾人同影搖明淨雲間月聲滴幽微雨後風  
秋以此花相勞苦世塗誰拙又誰工

故人北客今多少但願上下常相隨  
比時一出得聚首  
此日獨居還和詩我家父祖不相見  
君家兄弟誠所思  
玉溪屈指已三世霜風落葉吹疎籬

既貧且病是今年容貌音聲亦變遷  
縱起步趨終倦矣  
訥於言語每頽然秋涼頗似如人意  
月好翻能攪我眠  
試把閑情和佳句瑞峯何處入章泉

秋來風葉已紛披景到懷人意可知  
時泰果能同道泰  
行危何必更身危獨憐水後渾休說  
相與山間是寄詩

空眄庭柯又如許彼陶終是得顏怡

我園雖荒亦有梅云何也會待春回尋香逐色從頭數  
弄蘂攀條著眼催老境隙光真野馬新年律琯已飛灰  
一枝千樹俱能爾莫負尊前得句來

我園雖荒亦有梅相隨酬唱謂何哉須知流水孤村外  
儘有清風明月來幽艷肯因人意發好花元是化工裁  
幾番立盡空行去猶記西湖挈杖回

交遊零落舊同盟望望章泉共此情病後如斯猶得句

老來應不要知名久於朝市鬧中住便合山林靜處行  
今歲雪多梅更好巡簷宜與細逢迎

看梅動是隔年期僧寺逢花正此時火撥白灰相對榻  
酒傾清醪亦盈卮幽幽寒事空如夢歷歷閒情獨寄詩  
憐我倦遊還薄宦南枝和雪又紛披

何處逢人可共杯老來空覺歲時催門前途路無芳草  
山裏林園欲放梅殘雪未消經小至繁霜猶凍待春回  
好詩寄自章泉水起我寒心一寸灰

老覺浮生空地隔時來猶幸得書題夢思百里身長遯  
語別經年意轉淒槐葉易風驚熱惱蓮根少水厭塗泥  
何當整履蒼苔滑嘯竹高涼手重攜

歎息彌襟強拄撐人間閒處且閒行風光漫與酬詩債  
歲月何堪說宦情近脫市朝誰信我久居荒野孰如兄  
青青又滿新成竹相望章泉夜月明

盡道龐公遺以安笋林上番又成竿幾年手種要誰問  
常日身閒只自看墨妙席間殊不惡茶甘林下莫留殘

荒尋幽討真空舉  
今世孤風世所難

僅得從容亦素期  
意消心愜恨來遲  
相將里舍歡言酒  
珍重家庭聽說詩  
落珮倒冠非所籍  
毀車殺馬尚何思  
從來鵬鷃夔蛇耳  
不怨人之有佚遺

次韻昌甫見寄

薄宦歸來蓋罷休  
閒心終是愛吾州  
高名又喜為澄觀  
素隱何妨得臥遊  
四海九州彫落盡  
東鄰西舍往來不  
秋風山裏相尋處  
莫問人間有比周

次韻昌甫聞予過仲益見寄

離羣常恨不能佳  
桂到秋深處處花  
幽討既尋泉水矣  
傍搜豈忘月軒耶  
翁留觴酌時煨栗  
友為爐熏更作茶  
不是襟期安得此  
世間餘事我何加

次韻昌甫別後所寄

多病登臺畏獨醒  
荒園藥菊尚青青  
山中我友還新別  
門外巾車亦始停  
老去年年無以醉  
詩來字字信斯馨  
遙知隱地秋風急  
坐對松寒數鶴翎

二十五日次韻昌甫別後所寄

九十里山寬兩程白雲隨步不辜行石嵌塘水觀魚躍  
土曠田塍放鶴鳴兄弟留連因共集兒孫問勞笑相迎  
歸家轉覺深居簡強把柴門更挂撐

山淨泉甘草樹香書楹茶具酒壺觴故家南渡衣冠少  
前輩中原文獻長朝野從先終較別衰榮到底未須忙  
高風且作閑言會時寄連篇復斷章

昌甫寄所和朴翁詩因亦次韻

長日懷賢只坐馳  
炎涼誰與世推移  
貧生夢枕槐柯蟻  
笑殺仙巢蓮葉龜  
蕭瑟兩峯吟和處  
辛勤千里寄來時  
風流是我身名事  
付與劉郎歌竹枝

次韻徐子顏丈

老覺年光秋更好  
人間從昔易紛紜  
漫將詩酒供閒客  
常喜山林對隱君  
話到忘言清似水  
思之何事懶於雲  
相逢得醉茱萸盞  
一段高風信不羣

次韻耿運幹

如君便合上鷄行却愛湖邊梅蕊香盡把珠璣為妙手  
誰疑鐵石作剛腸文園病減初何苦金谷春歸有底忙  
我亦被花惱不徹又因鼎臠得珍嘗

次韻民瞻

獨酌梅花醉似泥市塵何敢近園扉孤香藉雨知幽眇  
冷艷排風與世違燈火麗譙新氣象琴尊高隱久光輝  
隔江相望空華髮燕子將來鴈欲歸

次韻余季倫

興寄寥寥豈尚同  
詩歌往往嬾求工  
從他漢魏曹劉上  
盡爾齊梁沈謝中  
百巧百窮無似我  
一觴一咏有如公  
今來古往能言者  
多少焦琴爨下桐

次韻鞏仲至

青青客舍付離騷  
歲月崢嶸又一朝  
不奈驅馳墮烟海  
少遲盤礴對風潮  
彈冠自笑平生拙  
落筆誰容萬景驕  
秋入壯懷探禹穴  
吳天回首越山遙

次韻周景瑜

日日鉏園淨掃門待尋幽草藝芳蓀秋花又滿庭前樹  
濁酒閒開座上尊新事任從千百變舊交纔得兩三番  
淒涼北客溪南住有句長吟莫厭繁

二十三日次韻斯遠

閒身襟抱為君開山已高深水漫洄趁得春時花下飲  
猶思秋夜月中來留連自覺太多事潦倒相從更幾回  
詩到唱酬成宛轉悠悠今古復關懷

吳子似以長句為贈次韻

金石錄卷十三  
卷十三  
玉石村船子欲歸相逢只合醉如泥平生學識知何患  
隨世功名信不迷浪飲未應愁劑量放言寧復究端倪  
象山經得堂之記出處升沈惜此題

次韻王教授

春殘物物尚堪書捉筆尋詩獨遶廬不特唱酬渾老也  
未知交往盡歡歟怕將笑口荒忙合欲待愁眉款曲舒  
忽爾流風萍是絮宜乎化氣鼠為鴛

次韻同訪潘丈

風流儒雅古難并  
自昔從公意氣傾  
已覺好詩銷永夜  
正宜小閣快新晴  
推琴置酒情何適  
取帖披圖論更精  
當代如斯真可數  
一朝烟棹我將行

次韻抱樸君問病求閒

臥病兩月  
丐祠未許

清都誰不願居官  
且是西湖最好山  
此地固難常養病  
他鄉只可便求閒  
苦無筋力追王貢  
那有心機銜孔顏  
秋入兩峯明碧落  
幾多鷓鴣蹙天關

次韻孫叔晦

春陰漠漠晚來寒欲寫相思一字難古錦詩囊無我佩  
暗塵絃索尚誰彈閒乘野逸神尤旺靜少牢愁夢亦安  
好爵浮名能有幾人間翻覆自悲歡

正旦次韻教器之所寄

笑倒興公賦遂初便尋前話豈無餘春秋列國乘軒鶴  
耆舊襄陽縮項魚臘日未除曾舉酒春正還始尚堪書  
嶺頭梅萼歸來晚湖海誰人更得如

次韻

孤山夏木已蒼蒼更著嵐光與水光  
擇勝軒牕尤有味  
懷賢姓字轉生香湖陰漲霧歸雲靜  
海氣吹風卷雨忙  
恨不相從飫蔬食細吟疇唱亦清涼

周景瑜同楊伯升見過次景瑜所贈伯升韻

風流二士真連璧乃爾行春到澗濱  
小坐縱談前後事  
推賢因數古今人却思尊酒青燈夕  
殊覺頭顱白髮新  
得醉有閒誠可味此情終不負吾身

世昌攜項平甫所和詩來歎其已逝次韻一首

只宜鄉黨與州閭天下英名不可居奮迅臨邊雖似壯  
差池退隱實非踈紛紛雖滿庸人見歷歷難逃識者書  
晚對匡山應自笑却將心事賦兵車

次韻德脩

已接湖頭笑語香雨餘又得句生涼分明天意如人意  
占盡山光與水光朝市虛囂還隔遠軒亭閑雅信深長  
輸君少袖弦歌手此樂吾儕亦未央

九月二十五日仲至攜酒與客相過因為作生

日次韻春時所贈

名勝相從餐菊英，楚騷情味是三生。  
會逢其適論竒字，進退之間付濯纓。  
覽德鳳凰非苟集，俟秋蟋蟀也須鳴。  
誕彌俾爾耆而艾，况復村醪煮芋羹。

次韻上饒

一抹紅橋卧水雲，雨收風葉尚沾巾。  
開門覓句無餘日，曲水流盃又浹旬。  
春事匆匆容易老，人情往往總輸真。  
河陽縣裏花千樹，猶記溪南寂寞濱。

次韻余伯臯

蕭然一葉下庭空，便覺風涼入袖中。  
餬口可能盂飯白，放身那羨帶鞵紅。  
江湖水滿悲遊子，城闕秋生醉禿翁。  
且剥鴻頭對杯酌，翻雲覆雨久來同。

與君莫放酒杯空，是事無過一笑中。  
衮衮細看誰眼白，休休贏得自顏紅。  
世間爵服無歸客，天下漁蓑有釣翁。  
飲罷不知今古異，酣然而睡且相同。

視民如傷書呈上饒，因其詩次韻。

此話休嘲道學殘憂時當復寸心丹扶溝在昔多遺緒  
西伯於前實肇端縣邑豈皆椎剝甚民農惟獨撫摩寬  
因公善治重拈起侑坐誰圖作美觀

上饒新刊鞏宋齊六言寄趙晏叟者次韻上饒  
凋零我亦鬢星星舊墨新刊百念輕詩案自應留筆研  
書寫誰不對梅瓶趙岐交契身俱老李漢親傳眼獨明  
贏得泉溪春草綠離離煙水照墳清

聞張饒縣有詩次韻

絕俗尋幽豈好奇，章泉不信更何之。  
仁賢固曰能親炙，交伴要之豈詭隨。  
去泊玉田雖宿雨，回程冷水喜晴颺。  
那知更著張饒縣，風雅還吟五字詩。

次韻校官

要底勞生醉即休，從他勢利有包羞。  
秋高野外空環堵，月滿城時定倚樓。  
平揖山光明絕巘，淨搖谿影轉滄洲。  
可憐兒輩知陶寫，絲竹何如且茗甌。

次韻趙路分

落盡籬前一樹梅  
海棠禁冷未全開  
待晴自歷郊原去  
苦雨誰從澗壑來  
近喜交遊能好句  
即須解后與深盃  
佳人望斷碧雲合  
九十日春餘幾哉

次韻次公

漲雲吹雨轉輕雷  
香草沿階芍藥開  
正好青春乃奔走  
只宜白日且徘徊  
離懷未說人千里  
撫事渾如水一杯  
酒到多時詩定少  
渭城絕唱復誰哉

山人常抱白雲眠  
夢想雲林竹樹邊  
恨不一杯同卜夜

金瓶梅詞話卷十三  
情知七字獨吟天由來里社無非舊細數交遊有是賢  
茗事肯隨人共煮樵漁真足豁憂煎

次韻

西風吹雨動雲車野水浮花遶屋除得興無過尋舊約  
稱心尤覺是閒居市塵不到秋聲早樹色初分夜氣餘  
架上古書吾輩事一襟清暑為躊躇

次韻昌甫

竹窻寒夜雪宜聽澗道柴荆曉更局那得擁爐傾白墮

且為數息問黃寧輿籃輿可知人勝落紙詩尤見德馨  
臘日尋常豈能爾梅兄於我眼終青

次仲至

望斷湖山湖水西君來我亦醉如泥只宜吏隱歌仍嘯  
莫問兒饑號與啼巷仄人家隨地轉庭空花草傍簷齊  
樓高又倚秋風老待把君詩處處題

冷烟無計了愁端花滿湖陰百頃寬渺邈家山身獨老  
周迴園館眼長寒吹錫近市徒誇賣上冢何人不鮮歡

空對海棠春睡足數枝紅濕露溥溥

仲至舉似項平甫所贈宦漢陽教官時也次韻

文獻相傳有父兄山堂留得是詩情果回富豔歸清遠  
盡掃虛驕入正平保社祇今難可繼贈言如昔信堪驚  
漢陽歷歷晴川樹鸚鵡洲前黃鶴鳴

次韻亨中見寄

團源深處有幽期誰見壺林杜德機曳履信知貧不病  
采薇空論怨還非前時解榻臨風處半夜呼杯踏月歸

吟到菊花須再會  
落霞孤鶩已秋飛

次韻潘德久見寄

歎息騷人不我違  
常同醉酒把花枝  
如今但得流傳賦  
已久都無唱和詩  
甌粵州閭臨去日  
永嘉鄉井入朝時  
相思屈指秋鴻近  
空使揮絃目送知

次韻陳膚仲又過鉛山見寄  
魚懷真卿丈

海內師門復幾人  
書來善誘意循循  
休論用舍與斯世  
試較仙凡隔彼塵  
是道淵淵書自若  
相傳本本話常新

三山想像陳黃學五馬歸來各素貧

借章泉翁韻回齋

狂瀾正倒築新齋回我家聲屬雅懷想到淵源深徹底  
窺從涯涘溜浮堦舜文正道須身見佛老他岐定力排  
今古沈浮幾多少滔滔應不與之偕

次韻次公

梅花臘後與春前爆竹聲中更恍然來往南山驚漸老  
唱酬東郭信能賢風流往事高情外雅淡新知醉眼邊

盡日論文君慷慨因時寫物我纏綿

趙倅再賦又次韻答

閒却身心墮一偏從渠佳月更涼天每思君子宜看竹  
設道宜男誰戴萱寂寂故鄉通德里悠悠往行孝廉船  
江南過夏多梅雨賦就郊居空放言

次公和韻再賦答之

雨煙埋却面前山悵望高吟祇自看既以酒壺相煖熟  
更因墨帖破荒寒誰家籬落梅千點到處園林竹數竿

不是故人心事在也隨塵慮失幽歡

荅行甫

檢點歸裝有句無一樓晴日照堦除提瓶洗盃猶堪醉  
破研搖毫亦可書江水東流挾湖海家山西上接匡廬  
軒然握手春風裡刎頸從來笑耳餘

次韻蔣縣尉

霜風歲暮正深幽喜見才華譽甚休古者重交多管鮑  
今之能賦少應劉枯榮到底俱塵網起滅由來付海漚

撥盡寒爐既相覓恨無肥馬共輕裘

次韻鞏帑轄

省事遙知多杜門擁爐尋睡定溫溫年來尚喜常同賦  
日近還當不復言畧去便回須管學可行時止是丘園  
雪寒江淺潮頭小舟到泉溪春已暄

次韻伯臯至日

眼中林密更山深昧昧從前直至今且與兒童誇好節  
豈無交友話閒心繁霜似雪空疑晝晝盡日移時肯廢吟

歡喜有詩余半隱遍遊朝市却山林

昌甫詩叙同僚以皆為南岳監也昌甫秩滿又重請於廟堂矣次韻少篤仕契

詩寄同僚意有餘清朝猶有此差除悠悠道室仍祠廟  
衮衮金坡盡石渠會弁假饒方寸地折鐺消得斗升儲  
要之因任榮堂帖員外空餐獨愧予

又次趙倅五日即事韻

水斷浮梁地愈偏山人不記艾花天深林礙屋猶多竹

積翠滿庭無復萱蒸溽既難尋筆硯荒涼豈易飲航船  
不因別乘離騷句那得斯時有是言

次韻貴池兄見寄

違離伯氏五年矣又得春風一紙書老去光陰非舊比  
閒中滋味是真如鳴琴且喜身無恙著句遙知興有餘  
夢遶齊山堤上路萬花飛樹綠扶疎

赴貴池臨別呈景清兄

試吏齊山敢作難相看風雪去途殫客情已覺自無緒

子職不知誰問安親老豈禁成遠別我思只合且團樂  
三年願得各強健贏得歸來滿室歡

歲暮和韻甚思昌甫兄

風雨空山可奈何門前寒港水增波君多親戚定歡宴  
我乏從游徒浩歌歲晚一身知又老年來三友僅相過  
章泉超在百里外應自打乖安樂窩

次韻伯臯見別

半世交遊獨有君春風桃李滿溪濱數杯別酒同舟去

一種離情兩路分  
從昔早衰陶靖節  
只今多病沈休文  
浮名絆此身  
何用醉眼睛  
空靄靄雲

次韻晁元默和李季章叅政長句因寄呈季叅

雅懷何地不為春  
弭節臨川亦載欣  
萬事悠悠俱昨夢  
一身落落掩前聞  
山焚玉石何難辨  
水雜淄澠未易分

喜見故家新築就  
試看靈谷賦煙雲

元默新築李  
叅過之甚款

髣髴風流轉小車  
洛中情味尚誰家  
江湖水滿無飛鴈  
城郭春深有亂鴉  
且自山間更林下  
從渠地角是天涯

不因勝事那能此一色紅紅白白花

昌甫有詩琴士云得之黃子厚蓋考亭坐中客也  
也因入章泉同出城解后和韻

青春深處見揮絃吟到情時恨更牽舊話相逢真夢爾  
故人獨覺倍依然穀城大雅空三嘆雲谷斯文已百年  
珍重散庵因一笑鬢絲禪榻羨同眠

昌甫謝徐倅行縣因到山中次韻呈徐

章水泉頭春雨晴尋幽都騎眼須明固知地勝因人重

要是村深少客行，飲散軒窓雖寂寞。歸餘草樹亦敷榮，  
清風洗盡塵間俗。忻慕誰云只晏嬰。

元日次韻紹之

相從湖海逢元日，且與清吟作好春。病起喜能閒散步，  
客中翻得靜怡神。寒侵是處梅枝晚，雪洗四邊山色真。  
信道吾生有餘味，一瓢歸去久甘貧。

次韻昌甫寒食

歲歲春深上冢時，擔頭挑酒紙錢垂。橫鋪嫩草松間出，

亂點繁花水面吹扶幼不知今潦倒悼亡應嘆昔追隨  
夕陽雨後歸來路杜宇聲頻落燕泥

三年寒食在天涯老覺心情不為花細雨隨風初語燕  
亂雲藏日欲歸鴉無才聖世空狂望有命王城莫苦嗟  
南北兩山青草徧故園疑並野人家

寒食同為異鄉客欲尋杯酒話花時豈無它可傾三盞  
那有閒能把一枝衮衮市朝徒勢隔荒荒湖海付心知  
牡丹天氣金箋在華髮居頭且送詩

次韻上饒見懷蒼筤

風流天上張公子又得清樽聚一堂眇眇高人懷粟里  
悠悠佳夢付巫陽休論明月黃花曲共約春時曲水觴  
小醉醒來我何有荒亭秋竹漫蒼筤

比年秩滿言歸以四季木犀瑞香二花贈徐和  
卿再來調官和卿有作因次韻

年時我亦治行裝曾寄閒葩兩種香一別人猶得相見  
再來花更不能忘春風披拂依依紫秋露淒迷冉冉黃

深巷逍遙昔居此  
騷吟先後味何長

次韻子似同過九峯因遊中團

君遊城市却山林  
與我秋晴一日行  
來坐村庵天欲暮  
歸從野寺月還明  
時尋小榼傾殘酒  
更覓寒花嗅落英  
此意相從信無幾  
絕憐風度各詩成

趙倅同守作太乙醮禱雨次其韻

雲車在望已多陰  
想見東皇識此心  
城闕步虛環珮冷  
田廬望歲桔槔深  
天高地下羣龍起  
雷動風行萬馬駸

午夜寶章昭格處願言三日便為霖

初十日婺源得雨呈鄭宰

蠶麥登時天氣晴農田水利復闕情纔看令尹靈祠禱  
喜見閭閻甘雨傾宣境飛蝗猶猛虎淮壩小醜致饑氓  
經從治國吾何幸一枕新涼更解醒

次韻犁春

世間何處不埃塵百巧爭如付一真固蒂深根元屬我  
隨波逐浪也由人狂風驟雨時常有野草閑花日逐新

安得雪堂老居士同歌江上一犁春

舒彥升寄東阜詩次韻

朔風吹起雪成團東阜知誰可歲寒飯了行吟應杖屨  
客來因酒置杯盤彈冠結綬人皆易問舍求田我亦難  
安得相從話疇昔但尋幽事博輕安

趙履道有詩因和韻

惜此郊原一日春高山山下葛溪濱聲傳遠樹知樵斧  
影落橫波識釣輪步穩折花空到眼興闌啼鳥更藏身

與君扶路乘殘酒清夜醒來夢亦新

和昌甫寄衡州趙推官韻

遙遙石鼓是衡陽想見山長水更長世道只知天廣大  
文章徒與日爭光飄零交友難重數偏塞閒愁嬾寄將  
誰復汎蓮依蕩節好扶時運際明昌

和校官韻

登山臨水本何為又近橙黃橘綠時固是秋來多興爾  
豈非月上一中之卧碑野處臺前字斷壁山民閣上詩

今古風流要人物可容吟嘯不伸眉

尹諫議秋懷昌甫以其韻賦之因亦和焉

秋風還起白雲吹草木悲哉亦變衰但覺乾坤閒外濶  
未應日月閒中遲豐凶處處思逢歲窮達人欲偶時  
何似村居詩遣興柴門野老岸前籬

吾廬秋樹正蕭疎且爾依山帶郭居愁與世違空泥飲  
苦無詩和也抄書意行謾曳雙穿履身懶常搖一敗輿  
此外並皆閒骨董幾曾妄想待何如

爭名爭利路應填幽步須容我折旋一種空門心了義  
八般奇語坐忘篇秋來野菊開金餅春去閒花落翠鈿  
掃盡喧卑稀客到只聞猿鶴地尤偏

往來西舍復東鄰風約微嵐雨斂塵盡說世間多顯者  
豈知山裏少間人路逢僧道非無累家近漁樵定可親  
貧賤難居貴難守任其商利與言緡

儒人從昔價連城籍籍紛紛可浪評力政既經秦六國  
陳言多笑魯諸生怨纏楚此情何極秋絕商歌意未明

村晚忽驚黃葉墜又當尋取白鷗盟

牽牛花壓小垣牆落水澄江更草堂北客任天為世界  
南遊何地不家鄉一官漫有蕭朱綬百計渾無陸賈裝  
案上堆書真可老細哦清白洗肝腸

壯心空使鬢先華寂寂霜前水見沙功盡醉鄉元命世  
名書文府且成家越裳未可輕秦缶羌笛何知咽塞笳  
老覺悲秋甚無謂是非愚智不須嗟

冷淡秋光畫不成閑身贏得醉而醒水聲自與月俱白

山勢常知雲更青  
廣大高明人孰辯  
艱難險阻世曾經  
著書固以窮愁後  
陶冶多應出性靈

和民瞻所寄

老覺從遊易寂寥  
夢思江海耿寒宵  
元來冉冉乾坤裏  
大抵悠悠歲月飄  
南北一峯高可仰  
東西二館隱誰招  
園居好在帶湖水  
冰雪春須積漸消

昌甫同過竹院和其韻

北客相從能幾家  
故廬誰復話京華  
君因父母思仍賦

我亦嫵嬾悵不詳竹院風煙元有地玉溪人物豈無涯  
同來大半多先契凍雨吹寒濕岸沙

和昌甫韻

雲松雪竹野梅南敢謂歲寒之友三難弟難兄更佳句  
閒入閒客漫游談竭來城郭如緣會依舊山林屬飽叅  
我已行纏打包笠故家文物待重探

和昌甫見寄

歲晚溪南見舊遊歸輿常恨莫能留不堪別去人還遠

猶幸詩來路匪修  
野外梅生花氣動  
門前水拆水聲流  
相思清夢章泉上  
盡道才名光更優

和周次公韻

籍籍春山德養尊  
風行水上自成文  
飽諳世故時高枕  
強對交情日置樽  
健句如君寧有謂  
和篇於我愧無聞  
敢言暑退秋生後  
靜夜來敲月下門

和韻

老懷相別易依依  
世變紛然是與非  
縱得斗升聊復爾

便能尺寸竟何歸  
澗橫流水桃花過  
路遶他山柳絮飛  
莫嘆征車我奔走  
京塵應不到幽扉

次韻昌甫送周正子入太學

九月十一日

西風邂逅清揚婉  
三歎章泉滿紙詩  
取友此時宜自信  
決科他日未為遲  
賢闕禮樂當深考  
世路風波不用知  
我亦飄零玉溪住  
鄉評相與見於斯

和荅施教授

冷齋著我巽庵主  
惜取禪心與法身  
贏得間官弄文字

豈容餘事亂吾真永嘉見說多前輩歸去要知必有鄰  
野客靈山相邂逅他年拈起話還新

周六春伯教授四明

簿正麻姑已十年四明分教合騰騫如其推轂須臾爾  
便以乘軒豈偶然金馬玉堂非一士蓬萊葳室盡羣仙  
儒人本是經綸學少試羲皇所畫編

周六以  
易發科

廿二日施教授父生朝又有子入佛

賢闕有子上雲梯更著談空說妙兒實十郎於今可慶

龐居士在古為竒雙全福壽人皆仰三昧薰脩我獨知  
春日千花記初度玉溪間客為聲詩

次韻推官東樓見懷

誰把新詩滿紙來登臨於我謂何哉地偏亦有閒情在  
人老寧無笑口開溪山興寄留詩眼賓主風流落酒杯  
昨夜秋聲已搖蕩月明中夜只徘徊

次韻昌甫九峯庵所寄

庵院誰人車馬來草生泥路石生苔塚邊只有千章木

山外寧無一點埃先友到時多感慨孤兒知後轉悲摧  
讀詩何忍賡酬去夜月吹涼曲岸隈

和黃靖州適軒韻

山中軒檻幾經秋誰得如公肯自由既把旌旄開兩鎮  
且因香火奉真遊消磨景色棋成趣排遣功名醉不憂  
此話儘教兒輩覺人生凡事豈難求

次韻德久懷玉山詩友

浙東山水幾多山公在家山定自閑白髮肯拋詩卷外

清愁須著酒杯間，豈無興寄窮登覽。猶有心情記往還。  
此道今人棄如土，翻疑逸駕未容扳。

和韻沙坑

交遊閒處可忘年，寒日江村西稻田。城郭喜離墟市外，  
人家猶在石巖邊。詩翁言句非嗟若，墨客心情豈舍旃。  
我亦沙坑舊酬唱，掩關空抱白雲眠。

次韻鞏仲至登樓見懷

東望悠悠我所思，老當益壯尚知期。極知後會相思日，

應話前因欲別時往事是誰人去住浮榮徒自位高卑  
仲宣樓上春風裏只好踈簾看奕棋



欽定四庫全書

澗泉集卷十四

宋 韓澆 撰

七言律詩

至日夜坐懷伯臯

故人何在在乾封  
想見書燈焰吐虹  
節物正隨雲物轉  
君心應與我心同  
梅花未有水邊葉  
楓葉已無山外叢  
何日持杯相勞苦  
夜長霜重聽鳴鴻

有懷尹賢良玉山舊居

方齋元在玉山深六月都無暑氣侵一縣間人都不見  
四方賢者始來尋煙嵐處處多真意鐘磬時時起梵音  
既出城南過朝露雲仍留得是書琴

有懷昌甫兄弟

籬雨簷風落井梧山幽時復見樵蘇近秋依約能鳴鴈  
長夏無過暫止烏新麪已多猶可餅舊醅將少欲何酤  
章泉二老瑞峯遠悵仰空成耳熱呼

因趙十有懷正字兄弟

餘杭嶽麓春還夏只這心情各自知  
袞袞官居隨俗日  
遙遙田里獨醒時  
州麾事業終何說  
使節光華任有為  
我老玉溪溪上住  
醉迷風絮一吟之

有懷

相從樵隱對秋風  
雲氣遙連滄海東  
浮世從前多去馬  
空山依舊少來鴻  
水生處處雨初足  
稻熟家家飯不窮  
我亦醉翁門下士  
閒中惟覺句難工

感興

天時人事兩相催  
雨浥薰風上綠槐  
憂樂易從忙裏過  
榮枯空自老邊來  
尋枝帶葉終無得  
放浪隨波豈有才  
信道吾廬吾亦愛  
溪山繚繞照崔嵬

秋日感興

江湖吹鴈一聲秋  
便合如人酒拍浮  
南渡百年無舊事  
中原積代有前修  
競傳家國恢疆土  
必定公卿運策謀  
野處何嘗知理亂  
談邊遮莫話邊愁

歲晚感興

歲晚天寒山水鄉團蒲曲几在書房竹爐旋撥松花火  
石鼎閒拈栢子香吟就有時聞夜雪睡餘乘早負朝陽  
呼兒瓶粟今多少且典青衫沽酒漿

危坐

行藏何事老相侵流水高山自古今強把詩書連夜讀  
喚回燈火十年心人間富貴非難有聖處工夫索愈深  
不覺雨聲吹入耳秋風牕下一沉吟

偶興

案詩四首其二首見  
五言古一首見五律

綠樹啼鶯春已闌  
杜鵑聲裏最綿蠻  
繁陰有路歸幽處  
長日無人到俗間  
茶信為僧時過水  
詩魔因客又登山  
薄衣輕體風吹面  
神觀初明氣自還

述意

不學神仙不問禪  
此心收處亦安然  
春風桃李閒行樂  
夜月林泉常未眠  
有客杯盤猶草草  
無人杖履更翩翩  
門前地僻紅塵遠  
贏得虛閒近簡編

斥歸

一斥歸來上野航老無羈絆試斟量詩囊縱在那能賦  
酒盞何嫌且細嘗點檢丘園理花草咨詢里社見蠶桑  
玉為山底冰溪水魚鳥飛潛意更長

雨中睡起稍晏

睡貪涼雨失窻明坐起蕭然笑我生故舊幾何論歲晚  
僮奴只待得秋晴蹊間井臼草多没岸底溝池水易盈  
閒不厭多寧厭病卧時誰復更關情

春思

案此詩六首其  
五首見七言絕

春向深時花未多，柳濃桃淡欲如何。  
籬根山雪風猶力，屋角林霜日欠和。  
徒有愛閑常自惜，豈無好事略相過。  
得朋便若開心眼，芳綠韶紅兩蕩摩。

春懷

寂寂春風送落花，芊綿芳草徧天涯。  
數聲飛鳥閒亭館，幾箇輕鷗泊浪沙。  
望斷小谿流不盡，步尋幽谷路還賒。  
一巾華髮吾何賦，肯與浮榮定等差。

秋懷

漠漠輕陰樓上頭老來心緒不關秋相看鴻影簷前過  
轉覺蛩吟砌下幽儘以詩囊供寫興少將酒盞與澆愁  
急風又墮蕭蕭葉天淡水雲無數浮

偶成

老身何計可飛騰收斂精神過此生耿耿自溫誠自遣  
栖栖無乃類無成湖山放浪慙真隱朝市低回亦強榮  
隨分官曹了飢渴小樓聽雨晚風清

勿向

勿向閒中懶却身自家志意要精明書來眼下休簷看  
事過手時多錯行血氣易令人喜懼功名徒使我衰榮  
青山綠水雖瀟洒莫被清虛誤一生

雜詩

富貴榮華總未經此身雖老意何驚日梳白髮憑軒笑  
時照蒼顏傍水行局東一家兒女態凋零四海友朋情  
燭搖醉眼梅花白香動夜窻吹雨聲

孫期牧豕

祝雞牧豕其非誤  
逐鹿屠龍也是閒  
用破心時無活路  
得全身處有名山  
洪纖高下皆徼幸  
終始乘除每好還  
一任鳳歌仍豹隱  
多應蟻夢與蝸蠻

趙推寄朱氏楚辭

迴鴈峯前寄楚辭  
古時人語已如斯  
少翔幕下寧天定  
近入臺中信已知  
連帥朱令當共學  
故侯劉昔尚誰思  
春來草滿南池水  
何日薰兮又屈卮

坡翁

鷄豚社酒屬東坡秋到黃州奈若何主聖自應無所損  
時清到了不能磨後來海上歸猶在今則文忠謚孰過  
三嘆志林真不朽兒童楚語任吳歌

讀徐湖雪句

坐看何如更步行草低葉滑小橋平沾泥不作凡心濁  
積水渾疑仙骨輕雲逼曉園幾欲雨煙開晚寺却嫌晴  
一溪遶我山前去未信溪山有我情

今年數日雪連年所少也

兩年無雪今年雪山積溪浮壟復橫消盡塵埃猶畏俗  
釀成雅潔僅能清煙綿細麥添生意風颭枯梅更有情  
款款聲中見疏密近多昏暗遠如明

劉克莊潛夫詩編

等閑溫李相遊戲有底應劉獨怒嗔雅調縱教勝俗調  
古人疑不似令人時間作吏元非達官滿歸鄉必是貧  
既往巖居惟野處由來澤畔則江濱

宋提刑少卿詩藁喜自其曾孫傳寫

卷十四  
卷十四  
分明山隱是詩家零落殘編久易賒忽見子孫能繕錄  
敢言人士得誰誇衣冠祖業多流品文雅儒風有等差  
細讀一篇尋一句餘芳寧不擅詞華

周子靜示詩卷

湖山風雨煙霏處蓮葉翻翻百頃寬我已塵埃無可寫  
誰將詩卷對之看蓬萊地近初搏翮閭闔門開更整冠  
此段情懷久寥闊沉吟猶為洗悲酸

陸羽泉頭忻考德林逋湖面得敦詩交情未覺非前日

雅道那知又一時  
逼塞古今空  
上下淒涼人物易推移  
申言保社吾何敢  
但惜中含屈宋姿

趙推官詩卷昌甫數稱許之

句句芳華字字香  
章泉巨擘意深長  
為渠力挽扶雲漢  
與衆爭光掃秕糠  
每以成章能膾炙  
孰於行卷敢權量  
南池自是風流地  
波撼水村荷氣涼

題橋南書院圖卷

幾年來往柯山下  
合到橋南書院中  
邂逅立談知地勝

從容抵掌見詩窮  
心情信自一屢足  
眼力從他萬馬空  
蒼茗燒香了吾事  
試聽灘瀨落秋鴻

楊祕監江東集

江東集裏好清詩  
未看爭知看便知  
句句多般都有格  
篇篇出衆不趨時  
包藏許大冰霜骨  
搭帶些兒錦繡皮  
却被鐵錢趕歸去  
誠齋老子也便宜

題昌甫所得陸待制手書次韻昌甫之題句

放翁遺墨幾何年  
雲遶秋山月滿川  
摸索空驚久零落

追思猶恨少留連  
貞元人事誠如夢  
正始文風信若仙  
江海淒涼易陳迹  
山陰茅宇賀家船

題魚計編後

積水間題魚計名一亭元自野而清  
幾年來往疑無謂  
舉世行藏定不驚  
鄭圃賦留南渡久  
瓢泉曲到老來平  
詩編多少臨淵興  
徒得旁觀句眼明

昔先公欲刊白蘋集今教授刊之

吳興好在白蘋洲  
先友云亡不那愁  
空對遺編想容止

休論往事記從遊  
吾翁甚欲流傳遠  
賤子常疑埋沒休  
贏得虛名付殘斷  
風流終古藉西疇

來子儀監廟見假詩景

伏波老氣肯消除  
磊塊撐腸萬卷書  
憤世疾邪吟諷裏  
傷心思古笑談餘  
一軒漫占琳宮靜  
四壁空懸客舍虛  
隱隱龍光射牛斗  
東湖煙浪遶吾廬

從王仲可求近詩

推門喜見王摩詰  
種樹栽花興寄中  
一旦青衫遽如許

幾年黃卷亦書功  
人間文物驚無有  
天與詩名定不同  
乞取成編山裏去  
坐堆殘葉讀清風

永嘉林氏集雲庵索詩

大半交清曾著句  
獨餘師道更銘碑  
海山磅礴知何處  
人物聯翩信一時  
以似詩書端可尚  
允懷今古不堪悲  
百年所種皆先德  
宰木雲庵過者思

豔歌行

翠幕朱簾蘇小家  
濃熏蘭麝競奢華  
繁絃度曲柱爭雁

媚臉持盃眉拂鴉錦帳春餘情未極寶釵分處夢無涯  
紅樓何在香塵合恨不都將命乞花

昌甫寄近詩一卷

詩情閒雅筆舒明吟到平時字亦成老不厭山懷玉秀  
靜宜流水章泉聲殷勤題寄情何過展轉看來眼自驚  
一任人間無此作近聞鞏至得同盟

詩逢

詩逢惡境無一字酒為可人須百盃醉眼却愁天地窄

頽齡肯受歲華催  
秋生遠樹吹紅葉  
雨過空庭滿綠苔  
飲罷從教黃鵠舉  
吟邊宜看白鷗來

玉成叟書來索詩

贛上書來寄近詩  
經行已得蔡邕碑  
老年文力能如此  
壯日交遊定可知  
賈馬以前須有作  
應劉而下復推誰  
冰霜滿眼梅開未  
想見脩然句益奇

風雨中誦潘邠老詩

滿城風雨近重陽  
獨上吳山看大江  
老眼昏花忘遠近

壯心軒豁任行藏從來野色供吟興是處秋光合斷腸  
今古騷人乃如許暮潮聲捲入蒼茫

江湖集錢塘刊近人詩

才華未若一杯酒行業尚貪千首詩今貴幾何名得志  
古貧最底謂知時雕殘沈謝陶居首披剝韋陳杜不卑  
誰把中興後收拾自應江左久參差

黃子功示近詩一卷因思昔年湖上同林德久  
訪銛朴翁之適石城明月鴈聲中劉武子詩也

子功詩有和武子句

西湖南畔訪詩僧  
小艇浮遊酒屢傾  
猶是三人同眷眷  
豈知一別各營營  
有懷舊約空如夢  
忽見新編復暢情  
依約小山疇唱處  
石城明月鴈聲清

伯臯丈屆七十寄詩慶之

老來誰不惜光陰  
世態消磨鶴髮深  
化道喜經蘧瑗歲  
遇文應動太公心  
極思吟嘯知如舊  
且願豐登得似今  
聞道田園足強健  
雲山深處好書琴

上饒登科八人所識者四

鄉邦為作四賢詩所識還知盛一時高質靜專還朴厚  
熙心堅正却平夷新尤膽略無回曲适且才華不詭時  
他日要當為國器喜看虎榜大名垂

昌甫生日

南枝今已十分開天壽高人玉雪梅不問冰霜驚歲晚  
要看風月喚春來鎮常兄弟遊山杖間或交親奉酒盃  
忽到牕前花更好暗香吹夢竹軒苔

趙十將入山避生日

先約之  
煮餅

已御祥琴又一年忍因初度醉賓筵為君煮餅邀朋舊  
容我尋詩話古先信義自應如皎日功名誰不上凌煙  
宗盟祖業非他比長夏相期玉水邊

看士人應舉

六年不到秋場屋懶散低回強自寬本謂有緣居上第  
可令無分作獬官小來勇往癡心在老去羞將冷眼看  
笑殺杜陵紈袴句只知多誤是儒冠

訪耿運幹不值

東結新樓挾帶湖  
月臺凌厲雪晴初  
主人不見望猶美  
客子空歸興亦舒  
支徑草黃飛野鳥  
露洲莎綠下春鉏  
梅梢過臘花爭發  
城裏分明物外居

二十一日治園成季過

滿地霜風吹曉色  
荒寒猶有菊枝香  
不知籬外輿籃入  
正爾亭前掃葉忙  
急取繩牀坐  
夫密旋尋酒  
殘引而長  
老懷老眼老誰語  
閒處閒人閒自傷

昌甫約過施仲益

章泉常為誦清詩今日山行又見之  
新聞軒窻知雅玩更拈書帖發佳思  
杯深旨酒留連夜爐撥寒灰領畧時  
信道人間好甥舅不妨酷似有襟期

輦仲至到浙江急往見之繼而以詩來乞次韻  
相從我自慰無聊物換星回又斗杓  
近市少霜梅欲動長溝無雨水全消  
幾年冠蓋東南會逐日舟帆上下潮  
見說公來便尋覓老懷何更得詩邀

過常山魏寺丞

瀟灑薰風佚老堂  
溪山圍遶水雲鄉  
高懷不與凡情雜  
勝槩全無時世忙  
須信貞元朝士在  
應憐元祐故家荒  
餘生來往奉談麈  
商略吟邊飲最長

燈夕頗盛郡中相招不能往也

滿城歌舞事元宵  
溪外蒼山雪乍銷  
紅日漸遲花信動  
銀蟾初上燭光搖  
幽人自笑居空谷  
遊子從教往麗譙  
一盞青燈對編簡  
舊歡如夢壯心凋

過傅驥院竹間

竹深留客南山下只許幽閒話  
晚涼酒盡更須拚  
酩酊詩來猶可共徜徉  
無端薄俗從它轉  
有底浮華不自忙  
意氣如君天地在  
牀頭書大且韜藏

欲過履道庵不果因以詩送餅餌

乘晴欲過雨巖去  
草木空疎霜後寒  
老苦滄瘍行又止  
閒將餅餌問平安  
夜爐挾冊應三復  
曉徑春禾可一餐  
蕙帳藜牀同夢寐  
試回頭作去年看

十九日過耿運幹

春風池館水溶溶  
杏淺梅深柳意濃  
拄杖橫臯穿麥壠  
傾壺中泚見雲峰  
有來好事能同適  
儘把閒吟不自供  
莫道澗湖相去遠  
要驚心賞每難逢

寄耿運幹

霍廟湖深澗水邊  
雪村來往定翛然  
薰風六月上塘路  
得雨九秋東壩田  
酒政應緣因祿仕  
詩家拔俗在吟篇  
翩翩銀筆經年別  
巖壑風流想後先

送耿運幹當湖酒所

一自西風散芰荷殷勤風雪更婆娑  
經年誰謂酒邊少此日我云林下  
多才俊榮親當折桂時清祿仕且嘉  
禾論交論契無餘語收入離筵入短歌

聞孟使君到子顏隱廬次韻余安叔所賦

祝家山映一荒途霜滿晴空樹色虛  
太守去尋高士宅比隣只道野人居  
朱輪不礙簷前橘白屋惟堆案上書  
想見猿驚鶴飛走袁安卧雪畫堪如

王寺簿過山園

小園纔放一枝梅，便有傳呼別駕來。  
領略風光歸草木，經行野路踏莓苔。  
人間襟韻須吟筆，花底風流入酒杯。  
公亦暫時相賞識，詔回天上肯重陪。

昌甫約諸人茶山病不能往次韻其所賦

幽人何許不懷賢，忍把清詩與世傳。  
可惜呂曾祠宇地，獨留香火寺僧緣。  
入林去踏山頭月，裹茗來烹井底泉。  
病著偶辜城北約，尚吟餘意得同焉。

山中上巳宋六成甫見過留飲

風光流轉景常新且樂林泉自在身  
曲水流觴知上巳落花啼鳥近殘春  
快傾座上一壺酒莫染人間半點塵  
兀兀籃輿好歸去路平微雨草如茵

鉛山徐子融茅齋留飲次其韻

茅山從此占西湖須信高人德不孤  
臨水未能忘汝穎愛山還肯羨匡廬  
眼前孤勁竹尊者世上浮名松大夫  
浩氣已充真樂地寧論實相與虛無

尹一留飲次其韻

冬來何意酒盃寬舊話新愁轉轉難  
落葉滿城吹薄暮浮波夾岸起清寒  
方齊留客情無已上郭歸人興若闌  
天地之間是襟誼淋浪贏得洗悲酸

曾廣漕見過

舟車亦過水村來猿鳥無驚自不猜  
化雨江西貴先覺宣風廣右屬行臺  
詩書發冢人千里桃李成蹊酒一杯  
雪岸艤蓬春動處尋詩野老亦清哉

次韻仲至至日相過

微官誰復肯來過名勝凋零已不多  
忍為故人疎酒盞漫將佳節付詩歌  
閑情只道山林好老態其如歲月何  
靜夜小樓相對久盈編新語但摩挲

譚南恩見過

正在山前看木犀兒童驚報故人來  
急扶藜杖過橋去喜見朱轡作牧  
收回嶺外山川多瘴癘江南朝市有塵埃  
經行又泥冰溪水且折清香荐一杯

斯遠入吳就春官試因相過偶成

春風間日小樓居門外歡迎長者車道舊祗如前日事  
別來不覺近年餘烟花帝里宜同醉杖屨湖山可自如  
趣取好懷尋好句人生何必愛吾廬

八月六日伯臯見過

華髮秋來忽滿梳故人相見意何如強親杯酒歡無幾  
尚覺篇章興有餘世事紛然隨野馬吾生老矣信蘧廬  
林間已下蕭蕭葉雨過空山木影疎

昌甫攜渭南詩見過

長笛殘星趙倚樓  
吟邊供斷一生愁  
渭南作尉誠微宦  
江上逢人憶遠遊  
風景不因今古異  
琴樽寧與是非休  
章泉傳到澗泉上  
涼意滿天河影秋

張以道見過

霜簷明日曉晴天  
忽有騷人到眼邊  
煮餅漫留尋舊話  
烹茶還得寫新篇  
旅懷但且官天地  
世道全憑酒聖賢  
回首山鳴鐘暮起  
水浮橋外耿墟烟

十二月初九日雪尹子潛來

九峯庵上雪中眠夜半寒枝落枕前  
虛曠益知身老大靜深惟覺夢清圓  
山圍漠漠無通路田缺幽幽有暗泉  
雅志能來得同榻雨高人必為吟傳

弋陽徐宰見過

幽深終日冷清清誰肯乘春過水行  
雜踏軒車雖達宦從容杯酒信豪英  
靜看聲利身何絆閒惜芳華意轉傾  
相對弦歌有餘咏苦遭風雨也宜晴

送趙餘干宰允中

夢寐湖山同雅集  
溪蓬還送宰餘干  
蒼忙寫句求詩律  
邂逅持醪得笑歡  
花事纖濃春又過  
麥天清淡雨初乾  
琵琶洲畔絃歌地  
一上乘風眼更寬

潘德久置酒柳洲小樓

幾年九日西湖酒  
此際從公把菊花  
酬唱不知留客舍  
登臨無奈得詩家  
水舟又掠空潭浪  
山屐經行兩岸沙  
白髮清尊乃如許  
數株楊柳傍樓斜

初六日民瞻古梅下留飲

眼到梅花便有詩  
園居支逕入踈籬  
崔嵬自與人高古  
爛漫誰知我笑嬉  
煙濕遠荒吟不盡  
雨收幽隱醉為宜  
新年陡覺新愁少  
坐對南枝更北枝

過楊解元看古梅

春風晴日草玄家  
城北坡陀一徑斜  
遠以雲山供境界  
靜惟書籍是生涯  
敲門忽有醉吟客  
隔屋初無桃李花  
天矯龍蛇饒古意  
孤芳真足對年華

亭中送梨棗

年年梨棗寄西風  
近喜瓏嵒一笑同  
坐石弄筇泉汨沒  
望雲搜句月朦朧  
經時話著猶疑畫  
盡日來思又若空  
玃重交情兩相望  
鹿門深處見龐公

雪後昌甫將歸章泉斯遠諸兄偕來留飲因詠  
林逋詩約同賦

風煙溪背轉山腰  
起覺清寒坐擁貂  
林薄曉光吹款款  
水流暮色下瀟瀟  
相期勝士來推戶  
更想歸人遠度橋

曾取試尋詩句寫還鳴高樹許由瓢

年來閒得傲山林肯怪連天雪作陰蘇武不眠身自健  
素安高卧興何深嬾穿東郭先生履細和西湖處士吟  
無限目前今古意歲華如許老駸駸

竹邊松外最清新煙斂風迴淨辟塵江濶遠分垂釣叟  
山空時過採樵人摩挲望眼尋幽徑抖擻閑身訪近隣  
三白會須能一飽茗盃聊且寄吾真

詩謝文顯兄弟載酒并簡子暢二首

幾椽牢落依僧住二妙慙勤載酒來名節似君真有道  
交游著我定憐才譚高屢激清風起歸近何嫌落日催  
苦憶平生溧陽尉驅車政爾犯黃埃

子暢出  
迂客

柱杖敲門借竹看步隨紆曲轉林端架邊綠蔓陰成幄  
橋下清流春有湍君作屋廬嫌近俗我因巖谷遂深盤

儻思出郭少塵事或命中車初不難

文顯頗樂山  
居之勝故云

余計院父子以我乏酒連以一壺為餉

冷坐樓窻欲雪天空搔華髮泥塵編不嫌酒盡西湖上

安得詩如南澗邊  
剝啄故人還  
餉我開嘗餘  
味信能賢  
公家父子何多事  
今日碧香猶卓然

酒盡

連宵風月頗堪看  
酒盡端憐賞詠難  
豈但街頭沽苦貴  
更緣秫早釀多酸  
蕭蕭陶徑柳將落  
渺渺吳江楓欲丹  
安得酒船數百斛  
拍浮長遣一生歡

訪吳推官津亭因喚船小酌而歸

沿洄艤泊更躋攀  
好事來尋小艇閒  
却憶武昌遊赤壁

可憐姑熟醉青山岸涼庵靄知空谷水遠汀沙見淺灣  
惜別且同幽興熟鱸魚潑潑烏關關

昌甫分寄瓢泉繼而辛鄉遺一壺來以詩為謝  
章泉分餉瓢泉酒已洗牢愁萬馬空重拜書題如夏日  
便開甕盎瀉春風時聞水石雲山主世數文章翰墨功  
且道歲寒梅雪好僧窻間有幾人同

飲橫碧軒

僧舍顏簷屋一間呂曾南渡此看山風光流轉人雖遠

詩句磨鐫景自閒好事肯同携酒至青春又見隔年還  
坐中野老醺然醉指點梅花亦可攀

謝戶曹載酒見訪

閉閣燒香正寂寥忽看結客過衡茅溪山有味真堪樂  
松竹無心肯絕交老樹枕流傾社甕涼風吹月上山榦  
浮梁飲散各歸去夜靜水明搖柳梢

喻伯經推官約施翔甫父子載酒澗上

麕澤同窻不一人是時文物動簪紳年來此話誰能問

老去知君我獨親，天下傳聞難見道。  
世間來往易知津，持醪野路江梅底。  
後會相逢意轉真。贈喻

歲晚尋梅又一年，南山巖下澗溪邊。  
雪殘古路初何似，詩到前村更隱然。  
邂逅襟期元拔俗，從容宦達自登僊。  
奉親携幼人之樂，贏得朋來棹酒船。贈施

留客煮餅因過山寺煎茶

旋掃荒涼喜客來，胡牀隨處坐徘徊。  
野亭湯餅談方透，山寺茶香望轉開。  
風近凜秋多落葉，雨收殘照少飛埃。

大都識賞非難事，莫被旁人富貴催。

方齋子潛留淪茗

案此詩四首其一見五言古其一見七言絕句

東吳南楚江湖外，城郭方齋尚得朋。  
意象古人無索寞，譚鋒爾汝有憑陵。  
花開簷蔔疑非俗，林擁旃檀祇欠僧。  
梅雨未收吾欲醉，山橋歸路髮鬢鬢。

蕙畝分青長復低，菊梅連綠密仍稀。  
牆陰未午風聲急，窻外從朝雨力微。  
坐待酒盃來肅肅，案翻書冊淨暉暉。  
幾年來往徒多感，今是那知較昨非。

葉侍郎寄烏石茶昌甫詩謝之次韻同賦

瓶茶遠自水心寄緘詩又謝章泉分揀芽為贈信靈物  
回味有功非世勲降伏睡魔庶永日不居酒聖須乘雲  
何時幽討共仰止烏石岡頭煮此云

奕碁

水竹光中戲奕碁碁中妙處有誰知對人不到一盤滿  
信手拈來幾著奇活法要須能自悟危機何用苦尋思  
此心虛靜元無物莫使顛冥勝負時

新火

香浮椽燭散新煙  
閭闔沉沉輦路邊  
寶蠟分擎初拜賜  
錦衣飛步競傳宣  
柳陰未曉明粧鏡  
花氣籠晴起卷簾  
莫怪荒涼問榆火  
午炊猶待死灰然

蕨菜

春華滿眼倦尋詩  
蕨菜纔來又賦之  
雷雨動山應徧塞  
風雲垂地正奔馳  
僧盤何苦分葷素  
鼎食那能問瘠肥  
珍重方齋家送似  
為加餐飯亦何其

謝人遺諸

風起爐寒鬻未成兒驚門底有人聲  
乃攜諸藥來相饋尚帶泥沙便可烹  
夷以采薇清易足屈於殮菊恨難平  
老身得此渾無事捧腹摩挲且莫鳴

喜見蓴絲

一杯濁酒下蓴絲不負東吳薄宦期  
安得林逋同隱約尚憑張翰寫心思  
人間美惡吾能會物外清閒世莫知  
更待西風小搖落鱸羹鹽豉轉相宜

送爆竹潘舍人

使者歸來守歲除嘉穀應笑去年無錦囊自是詩無敵  
寶帶還看騎甚都想見頌花方列炬故將爆竹伴屠蘇  
祝公茂介春祺去明日朝元拱御爐

潘舍人重打帶

使回揮橐試從容詩在腰圍瘦減中金重內分知帶赤  
花明殿後映鞞紅聞呼巧匠重陶寫好稱朝章荅化工  
更待鞞鞞印如斗轉庵元是有家風

吳澧州兵部挽詩

桂籍傳芳兩弟兄，才華奕奕盡專城。  
獨躋郎省享高壽，復處祠庭全令名。  
遺愛梁山初趣召，承恩澧浦晚增榮。  
如今仁義鄉前路，忍送靈車薤露聲。

黃壺隱挽詩

國朝人物盛江西，歐晏曾王世所知。  
賸喜年來說壺隱，還看身後紀豐碑。  
路遙莫致生芻奠，心折聊成薤露詞。  
高蹈如斯天必假，彬彬子舍見孫枝。

周南仲正字挽詩

姑蘇臺下同盃酒一旦相從情轉親才屈自應無近用  
時升誰不有通津避名苦節乾坤大務道圓機歲月新  
我亦推藏山澗曲細思餘論忍沾巾

葉和劑挽詩

守道安恬譽翕然晚登朝路合騰騫身勞援溺嘗貽疾  
夢兆圖空信不寬傾蓋方欣同藥藏挂冠謂可樂丘園  
愁聞薤露閩山遠餘慶他年屬後昆

挽余伯玉藥局詩

抵掌從容慨且悲，晚年風度喜論詩。  
賢關鼓篋文尤擅，德里垂車志豈違。  
築室高門如昨日，開筵投轄已前時。  
壽登八秩流芳裔，松柏佳城畫翣吹。

黃靖州挽詩

兩把州符身已老，壯年崛起計偕時。  
藏書漫與詩千首，種秫閒尋酒一卮。  
北客到今真可數，南人視彼尚何知。  
鶴山父子成丘隴，淚灑谿風讀壙碑。

黃子耕監丞挽詩


籍籍夷陵郭白雲紫陽猶足重斯文當年臭味傳天壤  
絕代聲華隔世氛邂逅月邊蘭槩駐從容日下竹符分  
傷哉逝矣空遺藁雙井風高信不羣

哭徐子融

膽氣麤而硬脊梁茅齋寂寞未云荒自知友道無同異  
共仰師門有在亡遣世尚能生卜地安時應許老耕桑  
一琴一劔山楓外雲影吹空白月光

哭徐大彥章

翻閱前言力著書暮年尤惜日之餘倦從科第於榮宦  
靜養聲明只燕居落落谿山空爾許悠悠天地復何如  
傷嗟平昔琴尊地常似親承教載初





謄錄監生臣周謨揚

謄錄貢生臣黃琮

